

Bordi i Zyrës së Rregullatorit për Energji

Duke u bazuar në:

- Nenin 8 paragrafi 1 nënparagrafi 1.6, nenin 14 paragrafi 2 nënparagrafi 2.16 dhe nenin 25 të Ligjit për Rregullatorin e Energjisë (Nr.03/L-185);
- Nenin 14 paragrafi 7 të Rregullës për Procedurën e Autorizimit për Ndërtimin e Kapaciteteve të reja; dhe
- Kërkesën për vazhdimin e afatit të vlefshmërisë të Vendimit mbi Njoftimin për Autorizimin për ndërtimin e kapaciteteve të reja gjeneruese për prodhimin e energjisë elektrike nga Era, në Lokacionin “Wind Park – Zatriç”, me kapacitet të instaluar prej 30 MW, Komuna e Rahovecit, të datës 02.03.2015, të shoqërisë “Upwind International I GmbH - Dega në Kosovë”, me adresë rruga “UÇK” nr. 48/2, Kati I, Banesa nr. 2, Komuna e Prishtinës, Republika e Kosovës,

në seancën e mbajtur me datë 10 prill 2015 nxori këtë:

V E N D I M

- I. **SHTYHET** afati i vlefshmërisë së Vendimit mbi Njoftimin për Autorizimin Preliminar V_504_2013 i datës 01 mars 2013, edhe për një afat gjashtë (6) mujor, gjegjësisht **deri me 01 shtator 2015**.

A r s y e t i m


- ZRRE, me datë 30.10.2012 nga shoqëria “Upwind International I GmbH – Dega në Kosovë”, ka pranuar aplikacionin për marrjen e autorizimit për ndërtim të kapaciteteve të reja gjeneruese për prodhim të energjisë elektrike nga Era, në Lokacionin “Wind Park – Zatriç”, me kapacitet të instaluar prej 30 MW, Komuna e Rahovecit.
- Vendim mbi njoftimin për autorizimin preliminar, nuk ka nënkuptuar edhe lëshimin e Autorizimit, përderisa nuk plotësohen kërkesat e përcaktuara me Rregullën e Procedurës së autorizimit për ndërtimin e kapaciteteve të reja.
- Vendimi mbi Njoftimin për Autorizimin Preliminar, është lëshuar në afat (2) dy vjeçar, dhe në këtë vendim është përcaktuar se shoqëria “Upwind International I GmbH – Dega në Kosovë”, do t’i jepet Autorizimi për ndërtim, nëse brenda këtij afati do të bëjë një kërkesë me shkrim për shndërrimin e Vendimit mbi Njoftimin Preliminar në Autorizim duke i plotësuar të gjitha kushtet e përcaktuara me Rregullën e Procedurës së autorizimit për ndërtimin e kapaciteteve të reja dhe legjislacionin në fuqi.
- ZRRE me datë 02.03.2015 nga shoqëria “Upwind International I GmbH – Dega në Kosovë”, ka pranuar Kërkesën për vazhdimin e afatit të vlefshmërisë të Vendimit mbi Njoftimin për Autorizimin Preliminar për ndërtim të kapaciteteve të reja gjeneruese për prodhim të energjisë elektrike nga Era, në Lokacionin “Wind Park – Zatriç”, me kapacitet të instaluar prej 30 MW, Komuna e Rahovecit, edhe për një afat shtesë sipas legjislacionit në fuqi.





- Shoqëria “Upwind International I GmbH – Dega në Kosovë”, në kërkesën e saj ka theksuar se gjenden brenda procesit të finalizimit dhe arritjes së marrëveshjes me investitorët për projektin në fjalë, e cila do të finalizohet së shpejti. Poashtu në kërkesën e saj, ka sqaruar se se si pasojë e disa vështirësive teknike (matjeve gjeologjike të tokës, përgatitjes së dokumentacionit për aplikim për leje të ndërtimit në MMPH), dëshmi që janë mjaftë specifike kërkojmë, nga ZRRE shtyrjen e afatit të vlefshmërisë së Njoftimit mbi Autorizimin Preliminar edhe për një afat shtesë, në mënyrë që të kompletohet dokumentacioni teknik për projektin e lartcekur.
 - ZRRE pas analizimit të kërkesës së shoqërisë “Upwind International I GmbH – Dega në Kosovë”, për shtyerje të afatit të vlefshmërisë të Vendimit mbi Njoftimin për Autorizimin Preliminar, ka vlerësuar atë, dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.
- V. Shoqëria “Upwind International I GmbH – Dega në Kosovë”, duhet të bëjë kërkesë me shkrim për shndërrimin e Vendimit mbi Njoftimin Preliminar në për ndërtim të kapaciteteve të reja gjeneruese për prodhim të energjisë elektrike nga Era, në Lokacionin “Wind Park – Zatric”, me kapacitet të instaluar prej 30 MW, Komuna e Rahovecit, deri me datën **01 shtator 2015** duke i plotësuar të gjitha kushtet e përcaktuara me Rregullën e Procedurës së autorizimit për ndërtimin e kapaciteteve të reja dhe legjislacionin në fuqi.
- VI. Pas skadimit të afatit të cekur më lartë, Vendimi V_504_2013 i datës 01 mars 2013 mbi Njoftimin për Autorizimin Preliminar, do të shfuqizohet në mënyrë automatike, dhe nuk do të shqyrtohet nga Bordi i ZRRE-së.
- VII. Vendim nxirret në gjuhën shqipe dhe do të përkthehet në gjuhën serbe. Në rast të mospërputhjes në mes të versioneve, do të mbisundojë versioni në gjuhën shqipe.
- VIII. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.

Këshillë juridike: Pala e pakënaqur me këtë Vendim mund të iniciojë konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i ZRRE


Enver Halimi, kryesues


Merita Kostari, anëtare


Krenar Bujupi, anëtar